

chori, et quoad privationem distributionum pertinere ad archiepiscopum, et amplius; ad 8, affirmative quoad utramque partem arbitrio archidiaconi; ad 9, affirmative juxta numerum solemnitate præscriptarum in cæremoniæ episcoporum, et amplius; ad 10, dilata; ad 11, provisum per resolutionem anni 1714, et amplius; ad 12, servetur solitum, et amplius; ad 13, affirmative ad primam partem, negative ad secundam, et amplius; ad 14, servetur Cæremoniale, et amplius; ad 15, affirmative, et amplius; ad 16, affirmative, et amplius; ad 17, dilata; ad 18, dilata; ad 19, negative ad primam partem, affirmative ad secundam, et amplius; ad 20, dilata; ad 21, negative ad primam partem, affirmative ad secundam, et amplius; ad 22, omnia spectare ad archidiaconum, et amplius; ad 23, negative, et amplius; ad 24, negative, et amplius; ad 25, affirmative juxta solitum, et amplius; ad 26, servetur solitum et amplius; ad 27, ut ad proximum; ad 28, dilata; ad 29, dilata; ad 30, servetur solitum, et amplius; ad 31, ut ad proximum; ad 32, canonici in accedendo et recedendo, progredi et recedere valeant per partem proximiorum stallo, et amplius. Et ita declaravit, ac servari mandavit. Die 7 Decembris 1771.

Adversus istam resolutionem ex parte Paulini Agostinelli, archidiaconi dictæ ecclesiæ metropolitane, expetita nova audientia super dubiis 12 et 21, necnon super dubio secundo ex parte promotoris fiscalis curiæ episcopalis pariter expetita, cujus vigore reposita per eundem eminentissimum et reverendissimum dominum cardinalem Nigrorum ponentem hujusmodi causa tam super dicta nova audientia, quam super sex dubiis non resolutis; sacra eadem congregatio, scripto et voce utraque parte itidem informante audita, et ex noviter deductis, rescribendum censuit: Ad 10, detur decretum, ut in Cremen. Functionum die 8 Junii 1709, et amplius; ad 17, spectare ad archidiaconum, et amplius; ad 18, spectare ad hebdomadariam, et amplius; ad 20, a præfecto chori, et amplius; ad 28, affirmative et amplius; ad 29, servari solitum; ad 12 et 21, nihil de nova audientia, et amplius; ad 2, in decisio, salvo jure archiepiscopi, et amplius. Et ita declaravit, ac servari mandavit.

Bosanen.

1658-1659. Sacra Rituum congregationi humillime supplicante reverendissimo episcopo Bosanensi pro resolutione nonnullorum novorum dubiorum circa reformationem Kalendarii suæ diocesis post editas resolutiones ab eadem sacra congregatione die 13 Martii superioris anni emanatas, recens excitatorum, hisque in congregatione ordinaria sub infrascripta die habita ab excellentissimo et reverendissimo domino cardinali Boschi ponente propositis sub ea, quæ sequitur, forma, videlicet:

1. An liceat in Kalendario ecclesiæ Bosanensis præter ea Officia, quæ olim concessa fuerant pro universis catholici regis dominiis, inserere ea, quæ ante annum 1720 pro regnis Hispaniæ tantum concessa, in diocesi Bosanensi ante annum 1722 recitata fuisse constet.

2. Quenam censi debeant, ad effectum de quo agitur, Officia pro universis catholici regis dominiis concessa ante annum 1720, et usu recepta in diocesi Bosanensi ante annum 1722.

3. An die 28 Maii, quo festum sanctorum martyrum Æmilii et Priami, Patronorum principalium diocesis Bosanensis, quorum corpora in cathedrali asservantur, celebratur sub ritu duplici primæ classis cum Octava, fieri simul debeat de sociis martyribus Felice et Luciano, seu potius horum festiva commemoratio transferri debeat ad proximam diem non impeditam, et sub quo ritu celebrari.

4. An de inventione corporum dictorum Patronorum principalium Æmilii et Priami fieri debeat Officium, ut hactenus, sub ritu duplici secundæ classis, seu potius sub ritu duplici minori.

5. An festum Conceptionis B. M. V., quæ est titulus ecclesiæ cathedralis, celebrari debeat sub ritu duplici primæ classis tam in civitate, quam in tota diocesi, et ab utroque clero.

6. An in indulto celebrandi Officia de sanctis naturalibus Sardinie a sacra congregatione concessa die 13 Martii superioris anni in responsione ad dubium 12, præter festum Translationis Corporis S. Augustini, et reliqua in elencho descripta, comprehendantur etiam festa S. Potiti M. die 30 Januarii, et Salustiani confessoris die 8 Junii.

Sacra eadem congregatio, habito prius voto unius ex apostolicarum cæremoniarum magistris, recensitis dubiis, rescribendum censuit: Ad 1, negative, ad formam rescripti editi die 13 Martii 1771, in responsione ad primum dubium; ad 2, ad R. P. episcopum ad mentem; ad 3, negative ad primam partem, affirmative ad secundam, ita videlicet, ut pro festo sanctorum martyrum Felicis et Luciani, tanquam naturalium Sardinie, assignetur in Kalendario perpetuo proxima dies non impedita, etiam infra Octavas, eorumque Officium celebretur sub ritu duplici minori; ad 4, negative ad primam partem, affirmative ad secundam; ad 5, affirmative; ad 6, quoad festum Translationis Corporis S. Augustini, et alia descripta in elencho pro ecclesiâ Turritana approbato, affirmative, in reliquis negative. Mens autem S. congregationis, de qua in responsione ad secundum dubium, hæc fuit, videlicet: *Ut idem R. P. episcopus cum consilio aliquot ex dignioribus et senioribus de capitulo et clero, de singulorum Officiorum hujusmodi indulto, antiquitate, et usu in diocesi Bosanensi, prout etiam de ritu, sub quo in posterum celebrari debeant, ad formam præsentium, et respective generalium decretorum, pro sua prudentia cognoscat, et statuât. Et ita declaravit, ac servari mandavit. Die 22 Augusti 1772.*

Ordinis Carmelitarum ex calc. prov. Polon.

1660. Cum Patri Fr. Josepho a B. M. V. ordinis Carmelitarum exalceatorum, visitatori generali provincie regni Poloniæ, nonnulla occurrerint dubia circa rubricas, sacre Rituum Congr. humillime supplicavit, quatenus benigne resolvere dignaretur. Dubia sunt sequentia:

1. Cum ob occurrence Officiorum Patronorum regni Poloniæ ex indulto concessorum contingat assignari dies proprias Officiis perpetuo translatis, quæritur, an debeant moveri ex suis locis propriis assignatis in Kalendario ordinis Officia illa, quibus assignati sunt dies proprii, et juxta antiquitatem, assignandæ sint aliæ dies; seu potius, relicto intacto Kalendario ordinis, assignari debeant post illos aliæ dies Officiis perpetuo translatis juxta Kalendarium particulare provincie.

2. Ecclesia cathedralis Cracoviensis ab antiquo erat sub titulo S. Wenceslai martyris; nunc manet sub titulo S. Stanislai episcopi et martyris, cujus festum maxima cum celebritate, et totius populi concursu veneratur, illiusque Officium sub ritu duplici primæ classis etiam a regularibus recitatur; Officium vero S. Wenceslai martyris sub ritu duplici primæ classis in cathedrali ecclesia dicitur, sine tamen celebritate ad populum. Quæritur an regularibus sufficiat recitare Officium S. Stanislai sub ritu duplici primæ classis, uti Patroni principalis, et titularis ecclesiæ cathedralis, et Officia facere S. Wenceslai sub ritu duplici minori, uti Patroni minus principalis.

3. Ex indulto concessum est semel in mense Officium sanctissimi Nominis Mariæ, et singulis Sabbatis Officium de Conceptione B. M. V.: quæritur an Missa celebrari debeat de festo Sanctissimi Nominis Mariæ, et similiter de Conceptione, seu potius sumenda sit ex quinque votivis assignatis pro diversitate temporis.

4. In ecclesiis Regularium, ubi nulla cantatur Missa, quæritur, an, et quæ Missa legi debeat tam

in festo S. Marci, quam in feriis Rogationum, in quibus occurrunt Litanie.

5. In ecclesiis Regularium, in quibus una solet cantari Missa; quæritur, an, et quæ Missa cantari debeat tam in festo S. Marci, quam in feriis Rogationum, in quibus pariter occurrunt Litanie.

6. Occurrentibus Litanis majoribus in feriam tertiam Paschæ, quæritur quæ Missa legi debeat in iis ecclesiis, ubi non solet cantari, nisi Missa de festo.

7. Cum in festis duplicibus primæ classis non possit cantari Missa solemniter votiva etiam ad invocandum Spiritum sanctum pro felici successu comitiorum generalium, vel capituli; quæritur, an tunc addi possit collecta de Spiritu sancto sub unica conclusione.

8. Cum Officio Sanctissimi Nominis Jesu aliquando translato, occurrente Dominica Septuagesimæ, assignata sit dies 28 Januarii, ne celebretur in Quadragesima, quæritur, an occurrente Officio in proprio loco ritus duplicis, debeat illud transferri cedendo Officio Sanctissimi Nominis Jesu ob uniformitatem cum universali Ecclesia.

9. An in feria v in Cœna Domini celebrari possit in ecclesia una Missa privata propter infirmos, excepta solemniter.

10. An in ecclesiis Græcorum unitorum cum ritu Latino, ubi non sunt ecclesiæ ritus Latini, in feria v in Cœna Domini celebrari possit Missa privata loco solemniter propter parochianos ibi commemorantes cum administratione communionis ob distantiam ecclesiæ parochialis.

11. Cum in aliquibus diocesis regni Poloniæ, et ducatus Lituaniæ ex indulto apostolico transferantur festa ad populum in Dominicis in mensibus Julio, Augusto, et Septembri, quæritur, an de prædictis festivitibus cantari possit ad populum de dictis festis Missa solemniter.

12-13. Cum ab immemorabili tempore in religione Carmelitana cantetur Missa Sabbatis diebus de B. Maria Virgine quæritur, an dicta Missa cantari possit in festis duplicis primæ, et secundæ classis.

Et sacra eadem congregatio, audito prius voto unius ex cæremoniarum apostolicarum magistris, ad relationem per me infrascriptum secretarium (Mutium Gallo) factam, loco eminentissimi et reverendissimi D. cardinalis Albani episcopi Portuensis ponentis, censuit rescribendum: Ad 1, negative quoad primam partem, affirmative quoad secundam; ad 2, affirmative; ad 3, affirmative quoad primam partem, negative quoad secundam, mutato tamen Graduali in Adventu, et addito Tractu a Septuagesima usque ad totam Quadragesimam; ad 4, serventur rubricæ; ad 5, ut ad proximum; ad 6, ut ad proximum; ad 7, affirmative; ad 8, affirmative; ad 9, arbitrio episcopi; ad 10, dilata, et reformetur dubium; ad 11, affirmative, non omitta Missa conventuali de festo occurrente; ad 12-13, ut ad proximum. Et ita declaravit. Die 27 Martii 1773.

Ordinis Minorum S. Franc. Capuccinor.

1661. Ex parte P. Fr. Erhardi Kadkerspurgensis procuratoris, et commissarii generalis ordinis Minorum S. Francisci Capuccinorum sacre Rituum congregationi humillime expositum fuit, in nonnullis sui ordinis provinciis, ob multitudinem Officiorum diocesanorum pedetentim introductorum, singulis quibusque annis plura Officia de præcepto, quæ supersunt, ad ritum simplicis redigi necesse esse. Quare idem orator eidem sacre Rituum congregationi humillime supplicavit, ut Patribus ministris provincialibus præfati universi ordinis facultas sit committendi suis respectivis fratribus Kalendaristis omissionem festorum diocesanorum, quæ prædicta Officia de præcepto impediunt, dummodo non sint de Patrono principali loci, vel diocesis, necnon de Dedicatione ecclesiæ cathedralis pro degentibus in civitate; itemque de iis, quæ ad instantiam princi-

pis concessa sunt, aut quæ adnexum habent festum de præcepto quoad forum. Et sacra eadem congregatio ad relationem eminentissimi, et reverendissimi domini cardinalis Boschi ponentis rescripsit: *Pro gratia juxta petita; et detur decretum in Portugallien. ordinis Minorum S. Francisci Reformatorum provincie S. Mariæ de Arrabida 11 Januarii 1755 prout sequitur, nempe: ordinis Minorum Reformatorum S. Francisci in provincia S. Mariæ de Arrabida in regno Portugallie, propositio in sacra Rituum congregatione ad instantiam fratris Joannis a S. Josepho ordinis Minorum Reformatorum S. Francisci provincie S. Mariæ de Arrabida in regno Portugallie cæremoniarum magistri in cœnobio S. Antonii, nec non B. Mariæ prope Mansram inter alia dubia etiam sequenti, videlicet 2, An Patres prædictæ provincie debeant, vel possint continuare recitationem Officiorum specialium Kalendarii diocesanis, vel ab illa totaliter abstinere; sacra eadem congregatio ad relationem eminentissimi, et reverendissimi domini cardinalis S. Casarii ponentis rescribendum censuit: Ad 2, negative ad primam partem, affirmative ad secundam, et serventur decreta sacre Congregationis, et constitutiones ordinis. Die 11 Januarii 1755. Et ita declaravit, ac servari mandavit. Die 27 Martii 1773.*

Urbis S. Mariæ in Cosmedin.

1662. Cum ex parte nonnullorum capitularium ecclesiæ S. Mariæ in Cosmedin Urbis sacre Rituum congregationi recursum habitum fuerit, quosdam ex canonicis, et beneficiis ejusdem ecclesiæ contra præfata sacre congregationis decreta absum induxisse administrandi Pœnitentiæ sacramentum cum cappa, seu solo rochetto indutos, sacra eadem congregatio, ut hujusmodi abusus omnino removeatur, et præscripto ejusdem sacre congregationis obtemperetur, rescribendum censuit: *Detur decretum, prout sequitur. Urbis illustrissimo cardinali Columna proponente quatuor dubia huic sacre congregationi, inter quæ propositum fuit etiam præsens, nempe; 1, an canonicis usum cappæ, et rochetti habentibus liceat sacramenta administrare cum solo rochetto, et deposita cappa; sacra congregatio respondit: Ad 1, sacramenta esse administranda cum superpelliceo, et stola juxta Rituale Romanum. Die 12 Julii 1628. Et ita declaravit, ac in ecclesia S. Mariæ in Cosmedin Urbis servari mandavit. Die 19 Junii 1773.*

Ordinis Minorum strictioris observantiæ S. Francisci Recollectorum provincie Germano Belgicæ.

1665. Ex parte Fratrum Minorum S. Francisci strictioris observantiæ Recollectorum provincie Germano Belgicæ sac. Rituum congregationi humillime expositum fuit, inter eosdem religiosos nonnulla exorta esse dubia circa celebrationem divini Officii. Hinc ad tollendam omnem discrepantiam, omnemque dubitationem eliminandam, a sacra Rituum congregatione pro declaratione infrascriptorum dubiorum demisse efflagitarunt videlicet:

1. An Dominica tertia post Pascha, in qua ex decreto hujusce sacre congregationis 20 Januarii 1741, est celebrandum Officium Patrocinii S. Josephi sub ritu duplici secundæ classis, si in ea occurrat festum altioris ritus, vel majoris dignitatis, ut ex. gr. festum Inventionis S. Crucis; sit festum Patrocinii S. Josephi ad aliam diem transferendum.

2. An si Dominica tertia post Pascha incidat festum SS. apostolorum Philippi et Jacobi, vel S. Marci evangelistæ una cum festo Patrocinii S. Josephi, debeat apostolis, et evangelistæ præferri Officium Patrocinii S. Josephi.

3. An Vesperæ de Patrocinio S. Josephi debeant esse integræ in casu, quod hæc festivitas concurrat cum festo S. Marci evangelistæ, vel SS. apostolorum Philippi et Jacobi, atque illi præferatur.

4. An quando die 6 Februarii Sabbato ante

Septuagesimam Officium Dominicæ quintæ post Epiphaniam anticipate impeditur per festum novem lectionum, requirens lectiones primi nocturni de Scriptura occurrente, poni debeat Epistola secunda ad Thessalonicenses vel Epistola prima ad Timotheum post Epiphaniam, vel Epistola prima ad Timotheum ex Dominica quinta post Epiphaniam.

5. An quando festum duplex majus S. Gabrielis archangeli, et S. Benvenuti confessoris debet celebrari post Octavam Paschæ, debeat celebrari primum ordine translationis, seu temporis, vel ordine dignitatis.

6. An prælatio de S. Francisco, quæ recitari solet, ut in omnibus festivitibus S. Parentis, ita et in festo Portuenculæ, possit etiam recitari per Octavam ejusdem festivitatis, quæ ex indulto apostolico Clementis Papæ XIII, in ecclesiis Missionariorum S. Francisci in Hollandia magna populi frequentia, et summa pompa, et apparatu celebratur.

7. An festa duplicia, quæ locum translationis non habent ob multiplicia festa de præcepto, quæ a familia Germano Belgica Fratrum Minorum S. Francisci strictioris observantiæ Recollectorum partim constituta sub dominio Augustissimi imperatoris, et serenissimæ reginæ Hungariæ, partim vero in ditione serenissimi regis Hispaniarum sunt celebranda, sint omnino omittenda, vel possint ea anticipate celebrari diebus ultimis mensis Februarii vel primis mensis Martii diebus non impeditis, nisi die infra Octavam S. Margaritæ de Cortona, vel initio Aprilis in diebus ferialibus.

Et sacra eadem congregatio, ad relationem eminentissimi et reverendissimi domini cardinalis Boschi ponentis rescribendum censuit: *Ad 1, affirmative; ad 2, negative; ad 3, dilata et scribat aliquis ex DD. magistris ceremoniarum; ad 4, ut ad proximum; ad 5, juxta ordinem dignitatis; ad 6, affirmative; ad 7, negative.* Et ita declaravit, ac servari mandavit. Die 19 Junii 1775.

Sed quinque tantum ex (propositis) dubiis fuerunt resoluta: cum circa tertium, et quartum nonnullæ occurrerint ambiguitates, quæ ut maturiori subjicerentur examini, majorem pro declaratione dilationem desiderabant, propositis igitur per eundem eminentissimum ponentem iisdem tertio, et quarto dubiis jam exhibitis, quorum dilata fuerat resolutio sacra eadem congregatio, audito prius voto unius ex apostolicarum ceremoniarum magistris, rescripsit: *Ad 3, affirmative, deletis iis verbis: atque illis præferatur: Ad 4, affirmative ad primam partem, negative ad secundam.* Et ita declaravit, die 4 Sept. 1775.

Conchen.

1664. Cum presbyter Thomas Saix ceremoniarum magister ecclesiæ cathedralis Conchensis in Hispaniis sac. Ritu congregati humillime exposuerit per totam diocesim Conchensem festum S. Eliæ prophætæ cum Officio, et Missa sub ritu duplici die sexta Martii a reverendissimo Ordinario designata quotannis celebrari: quæ dies aliquando concurrens cum Sabbato Quatuor Temporum post Dominicam primam Quadragesimæ, cum evangelium prædicti festi sit unum cum evangelio feriæ concurrentis, nempe: *Assumpsit Jesus, de Transfiguratione, eidem sacræ congregationi humillime supplicavit, quatenus declarare dignaretur sequens infrascriptum dubium, videlicet: An in tali concurrentia tres lectiones tertii nocturni dicendæ sint de festo sine nona lectione feriæ, vel an sit dicenda nona lectio feriæ, non obstante, quod idem sit evangelium, vel homilia distincta, vel an tres lectiones dicendæ sint de feriâ, ut accidit in festo Expectationis B. M. V. 18 Decembris, quando occurrit in feriâ Quatuor Temporum, vel an sit sumendum pro S. Eliâ aliud evangelium de aliquo communi, et quale commune illi respondeat.* Et sacra eadem

congregatio, audito prius voto unius ex apostolicarum ceremoniarum magistris, ad relationem mei infrascripti secretarii (videlicet Mutii Galli), loco eminentissimi et reverendissimi domini cardinalis Albani episcopi Portuensis ponentis rescribendum censuit: *Quando sexta dies Martii cadat in Sabbatum Quatuor Temporum vernalium una cum Officio S. Eliæ, non est in fine Missæ legendum evangelium feriæ; quod idem est, ac evangelium festi: sed in Laudibus, sicuti et in Missa habebitur ejus commemoratio cum suis antiphonis, versiculo et oratione; ommissa tamen ejus homilia pro nona lectione.* Et ita declaravit, et servari mandavit. Die 4 Septembris 1775.

Urbis et Orbis.

1665-1666. Ad aures sacrorum Ritu congregati delatum est, in nonnullis Monialium publicis ecclesiis tum extra, tum quandoque intra almam hanc Urbem existentibus sensim irrepisse abusum, ut, Sanctissimo Euchariæ sacramento in earumdem Monialium ecclesiis fidelium venerationi exposito, antequam illius fiat depositio, et confluenti populo cum illo benedictionem sacerdos de more concedat, idem sacerdos primum, ac separatim benedict Monialibus in interiori earumdem choro, sive gratorio post altare, vel alibi genuflexis, et deinde populo in publica ecclesia astanti: sacra eadem congregatio, referente me infrascripto secretario (Mutio Gallo), loco Celsitudinis regiæ eminent. et reverend. dom. cardinalis ducis Eboracensis ponentis, ad hanc reprehensibilem, et a sacris ritibus, et Ecclesiæ praxi deviam consuetudinem radicitus convellendam, præsentî generali decreto districte prohibet illam in posterum observari, etiamsi diuturno, et immemorabili tempore, ac usu convaluerit; ac præcipit, ut sacerdos sacram illam exercens functionem in quibusvis ecclesiis Monialium ubique locorum erectis, cujusvis sint ordinis, et instituti (omissa speciali, ac separata Monialium benedictione) unicam tantum cum eodem Sanctissimo Sacramento benedictionem interessent; populo impertiarit. Et ita decrevit, ac servari mandavit. Die 11 Decembris 1775.

Factaque deinde per me secretarium de prædictis Sanctissimo Domino nostro relatione, Sanctitas Sua præfatum sacræ congregationis generale decretum confirmavit, et ubique executioni dandum esse præcepit. Die 18 ejusdem mensis, et anni 1775.

Derthonen. præcedentiæ.

1667. Ad definiendas nonnullas controversias exortas inter congregationem, seu unionem presbyterorum sæcularium sub invocatione SS. Joannis et Pauli oppidi Novarum diocesis Derthonensis ex una, et regulares præfati oppidi ex altera partibus super jure præcedendi in associatione cadaverum, illisque ad sac. Ritu congregati delatis, eminent. et reverend. dom. card. Boschi ponens infrascriptum dubium decidendum proposuit, nempe: *An congregationi, seu unioni presbyterorum sæcularium sub invocatione SS. Joannis et Pauli oppidi Novarum in associatione cadaverum, aliisque functionibus ecclesiasticis competat præcedentiæ super regulares?* Sacra eadem congregatio, habita prius reverend. episcopi informatione, ac visis juribus congregationis, seu unionis presbyterorum sæcularium, auditoque tantum ejus procuratore, voce, et scripto informante, ad relationem præfati em. ponentis rescribendum censuit: *Affirmative juxta decretum in Imolen. 19 Augusti 1719.* Et ita decrevit, ac servari mandavit. Die 15 Martii 1774.

Conchen.

1668. Cum in Calendario diocesis Conchensis pro anno 1775 edito adnotatum fuisset, cœtum parochorum, et beneficiarum non posse sese conformare in recitatione Officiorum illorum sanctorum, etiam alienigenarum, quorum corpora, et no-

tabiles reliquæ in dieta cathedrali asservantur; idem parochorum, et beneficiarum cœtus sac. Rit. congreg. humillime supplicavit pro declaratione sequentis dubii, videlicet: *An cœtui parochorum, et beneficiarum parochiarum civitatis Conchensis liceat continuare in recitatione Officiorum de Sanctis etiam alienigenis, quorum corpora, seu notabiles reliquæ in cathedrali asservantur, in casu, de quo agitur.* Sacra eadem congregatio ad relationem eminent. et reverend. card. Boschi ponentis, re mature discussa, respondendum censuit: *Affirmative.* Et ita declaravit, ac servari mandavit. Die 15 Martii 1774.

Urbis, seu ordinis minor. Observ. S. Francisci.

1669-1670. Cum Patri vicario chori ordinis Minor. de Observantiâ S. Francisci conventus Aracelitani Urbis nonnulla occurrerint dubia circa rubricas super officiorum, et Missarum celebratione, sacra Ritu congreg. humillime supplicavit, quatenus ea benigne declarare dignaretur. Dubia sunt sequentia:

1. An in casu, quo in Dominicâ Paschæ, et Pentecostes occurrant Officia semiduplicia, et duplicia minora, pro quorum translatione locus non supersit in toto anni ecclesiastici decursu, de ipsis fieri debeat commemoratio in eadem Dominicâ Paschæ, et Pentecostes in Vesperis, et Laudibus, et Missis, an vero debeant prorsus omitti, in casu, etc.

2. An de iisdem semiduplicibus, et duplicibus possit fieri commemoratio in feriâ secunda, et tertia Paschæ, et Pentecostes in utrisque Vesperis, Laudibus, et Missis.

3. An in quibuscunque aliis duplicibus sive secundæ, sive primæ classis, comprehensis etiam festis Ascensionis, et Corporis Christi, fieri possit commemoratio de Laudibus duplicibus, et semiduplicibus in utrisque Vesperis, Laudibus, et Missis æque, ac fit de die Octavæ, si alicubi occurrat.

4. An de eisdem semiduplicibus, et duplicibus fieri debeat commemoratio in Vesperis feriæ tertiæ Paschæ, et Pentecostes, necnon in secundis cujuscunque alterius festi duplicis primæ classis in casu, quo de ipsis faciendâ sit die sequenti.

5. An de laudatis semiduplicibus, et duplicibus legenda sit nona lectio ad Matutinum, composita ex omnibus eorum lectionibus propriis secundi nocturni ad modum unius in omnibus duplicibus primæ classis, exceptis illis trium lectionum, festo, et Octava Corporis Christi, et quoties legenda occurrat nona lectio de homilia super Evangelium.

6. An in Missis Dominicæ Palmarum, et Vigilæ Pentecostes, in quibus excluditur commemoratio festi simplicis, licet facta fuerit in Officio, faciendâ sit commemoratio de prædictis duplicibus, et semiduplicibus in Missis.

7. An in Dominicis privilegiatis, in quibus occurrat commemoratio faciendâ de Officio duplici, omitti possint suffragia Sanctorum, preces ad Primam, et Completorium, necnon tertia oratio in Missa, ut fit in casu, quo hujusmodi Dominicæ occurrant infra aliquam Octavam.

8. An in casu, quo recitetur Officium de Dominicâ per annum occurrente infra aliquam Octavam cum commemoratione festi semiduplicis, quæ præfertur illi diei infra Octavam, adhibendus sit in Missa color conveniens Octavæ, an festo duplici, aut semiduplici.

9. An commemoratio festi duplicis occurrentis in Dominicâ per annum, in qua recitatur Officium alicujus festi mobilis majoris ritus, vel dignitatis præferenda sit commemorationi ejusdem Dominicæ, lecta tamen nona lectione de homilia ejusdem.

10. An dum per solam commemorationem anti-

cipatur Officium alicujus Dominicæ post Epiphaniam in Sabbato ante Septuagesimam, in quo occurrat festum novem lectionum non habens lectiones primi nocturni proprias, vel de communi assignatas, legi debeant illæ de Sabbato occurrenti, an vero istis ommissis, vel præcedenter lectis, si sint de initio alicujus Epistolæ, legendum sit initium Epistolæ divi Pauli assignatum illi Dominicæ, cujus Officium per commemorationem anticipatur.

11. An occurrente festo confessoris non pontificis infra Octavam alterius festi pariter confessoris non pontificis pro commemoratione Octavæ, in Laudibus desumenda sit antiphona ex secundis, an vero ex primis Vesperis.

12. An Officium S. Silvestri abbatis die 14 Decembris, cui in directorio pro tribus primis præcedentibus annis 1771, 1772 et 1773, assignatum fuerat tanquam diei propriæ in perpetuum, recte revocatum sit ad diem primam ejusdem mensis.

13. An in die Commemorationis Omnium fidelium Defunctorum, in qua omnes Missæ, excepta conventuali post Tertiam, celebrandæ sint pro defunctis, reponi debeat festum duplex majus translatum, Sancti Joachim v. g. SS. Nominis, aut Rosarii B. M. V. vel Angelorum Custodum. An ulterius translatis Officiis istis, recitari debeat Officium de die infra Octavam Omnium Sanctorum. An vero in hoc peculiari casu reponi prius possit Officium aliud duplex minus pariter translatum, quod pro tali die non excludit Missas defunctorum.

14. An in illis provinciis, vel ordinibus regulariis, in quibus sub aliquo titulo colitur, et veneratur Deipara Virgo tanquam patrona, in feriali Officio fieri debeat in suffragiis Sanctorum commemoratio de eadem veluti de Patrona cum consueta antiphona *Sancta Maria, succurre miseris*, etc., etiamsi ejusdem Officium parvum in choro fuerit recitatum.

15-16. An ex sensu rubricæ, positæ in Breviario in festo S. Marci, et in feriâ secunda, tertia, et quarta post Dominicam quintam Paschæ recte inferatur, quod litanis sanctorum, de præcepto recitandæ in eodem festo S. Marci, et in triduo Rogationum, anticipari possint, atque recitari post Matutinum, et Laudes die antecedenti ab iis, qui processioni sequentis diei non interveniunt.

17. An attentis apostolicis, et sacræ Ritu congreg. decretis, graviter peccet sacerdos celebrans Missam privatam in feriâ quinta in Cœna Domini, sive etiam solemnem in illa ecclesia, ubi non reponitur, nec asservatur Sanctissimum Sacramentum in aliquo altari, vel alio loco decenti vulgo dicto *il Sepolcro*.

18. An in casu, quo aliquis pro se adhuc vivente celebrare anticipate velit functiones funebres cum Officio Defunctorum, et Missa cantata; an hæc Missa possit esse de *Requiem*, si ritus officii currentis permittat. An votiva juxta devotionem petentis. An vero celebrari debeat de Officio occurrenti: vel si ritus non obstat, pro remissione peccatorum, aut ad postulandam gratiam bene moriendi.

Et sacra eadem congregatio, audito prius voto unius ex apostolicarum ceremoniarum magistris, ad relationem eminent. et reverend. dom. card. Torrigiani ponentis rescribendum censuit: *Ad 1 et 2 Dilata, et videantur particulariter; ad 3, affirmative quoad primam partem, negative quoad secundam, excepta Missa solemnî; ad 4, ut ad proximum; ad 5, affirmative, exceptis illis trium lectionum, festo, et Octava Corporis Christi, et quoties legitur nona lectio de homilia super evangelium; ad 6, negative, et serventur rubricæ; ad 7, negative; ad 8, affirma-*

tive quoad primam partem, negative quoad secundam; ad 9, affirmative; ad 10, legendas esse lectiones de Dominica anticipata, dummodo in Sabbato antecedenti non occurrat initium alterius Epistolæ S. Pauli; ad 11, negative quoad primam partem, affirmative quoad secundam; ad 12, negative; ad 13, dentur decreta sacræ congregationis; ad 14, affirmative; ad 15-16, negative; ad 17, non licere, et sacerdos se absteineat; ad 18 negative, et serventur rubricæ Missalis, ac ritus Ecclesiæ. Et ita declaravit, ac servari mandavit. Die 28 Martii 1775.

Repropositis deinde in eadem sacra congregatione preminentissimum, puentem sequentibus 1 et 2 dubiis, nempe:

1. An in casu, quo in Dominica, etc., ut supra num. 1.

2. An de iisdem semiduplicibus, etc., ut supra num. 2, Et sacra eadem congregatio ad relationem ejusdem eminentissimi pontentis, rescripsit: Ad 1 et 2, negative ad primam partem, affirmative ad secundam. Et ita declaravit, ac servari mandavit. Die 15 Junii 1776.

Kiowien.

1671. P. Fr. Joseph a B. V. M. Prior, et Fratres ordinis Carmelitarum Excalceatorum conventus Berdizovix diocesis Kioviensis humillime sacræ Rituum congr. supplicarunt pro resolutione sequentis dubii: An anniversaria, et Missæ solennes de Requiem a testatoribus relicta in ecclesia prædicti conventus Berdizovix persolvendæ, cantari, et celebrari omnes debeant diebus, quibus cadunt, seu potius attenta illorum pluralitate, transferri possint in dies etiam ritus duplicis, dummodo non sint de præcepto, quando dies seriales, et ritus semiduplicis non sunt sufficientes, in casu, etc. Et sacra eadem congregatio, audito prius voto unius ex apostolicarum ceremoniarum magistris scripto exarato, typisque vulgato, ad relationem eminentissimi et reverendissimi domini cardinalis Corsini episcopi Sabinensis pontentis rescribendum censuit: Consulendum sanctissimo pro concessione indulgi, ut in feria secunda cujuslibet hebdomadæ, etiam occurrente Officio duplici, non tamen primæ, aut secundæ classis, et festis de præcepto, celebrari possint anniversaria etiam translata. Et ita, etc. Die 25 Februarii 1777. Et facta deinde per me infrascriptum secretarium (nempe Mutium Gallo) de prædictis eidem sanctissimo domino nostro relatione, Sanctitas Sua benigne annuit. Die prima Martii 1777.

Bitecten.

1672. Reverendissimus hodiernus episcopus Bitectensis, sacræ Rituum congr. humiliter exposuit, quod juxta Cæremonialis episcoporum dispositionem, et decretum ejusdem sacræ congregationis, canonici ecclesiarum cathedralium in die festo Sanctissimi Corporis Christi, celebrante episcopo, processionemque peragentem, vel non, tenentur sacræ vestibus indui. At cum nonnulli canonici, quibus, absente vel impedito episcopo, easdem functiones peragendi onus incumbit, choralibus tantum vestibus per consuetudinem inductam uti posse prætendant, quare idem reverendissimus episcopus ad dirimendas hujusmodi controversias, eidem sacræ congregationi pro decisione recursum habuit: Et sacra eadem congregatio ad relationem mei infrascripti secretarii (Mutii Gallo) rescribendum censuit: Servetur decretum jam die 27 Martii 1628, in una Cajetana editum, prout infra, nempe: Vicarius capitularis civitatis Cajetæ petit declarari: An canonici, et dignitates in processione Sanctissimi Sacramenti incedere debeant sacræ vestibus indui, episcopo non deferente Sanctissimum Eucharistiæ sacramentum, ex quo dispositio cæremonialis videtur loqui tantum de episcopo deferente. Et sacra congregatio respondit: Canonicos, et dignitates vestes sacræ utroque casu induere debere in honorem tanti Sacramenti, prout disponitur in Cære-

moniali cap. de process. Sacramenti circa finem. Die 27 Martii 1628. Et ita decrevit, ac servari mandavit. Die 12 Julii 1777.

Guadalaxaren. in America septentrionali.

1675. Ex parte parochi pagi de Aquas Calientes nuncupat. diocesis Guadalaxarenensis in America septentrionali sacræ Rituum congr. expositum fuit, tertiariorum, seu confratres sæculares Tertii Ordinis S. Francisci dicti loci, quamvis a reverend. Ordinario admonitis, tam occasione funerum, et associationis cadaverum, quam in processionibus Sanctissimi Sacramenti, et aliis, quibus invitati intersunt, Rituali Romano, et sacræ Rituum congr. decretis obedire renuere. Quapropter ad eandem sacram Rituum congr. idem parochus orator recursum habuit, ut ad observantiam prædictorum decretorum, et Ritualis Romani eosdem refractarios confratres omnino compellat. Et sacra eadem congregatio ad relationem mei infrascripti secretarii (Gallo) respondendum censuit: Dentur decreta, prout infra, nempe, Nepesina die 10 Maii 1608; Laudan., 12 Julii 1628; Mediolanen. 19 Junii 1635. Et ita decrevit, ac in ecclesia pagi de Aquas Calientes nuncupat. diocesis Guadalaxarenensis in America septentrionali servari quoad prædictos confratres tertii ordinis S. Francisci mandavit. Die 12 Julii 1777.

Vasionen. Præminentiarum.

1674. Exortis inter archidiaconum, præpositum, sacristam, et præcentorem ecclesiæ cathedralis Vasionensis ex una, et canonicos dictæ ecclesiæ cathedralis, et litis, ex altera partibus, controversiis super præminentis, et juribus, quæ (sunt) in prædicta ecclesia pro sacris divinisque peragentis, necnon ecclesiasticis muneribus obeundis, illisque ad sacram Rituum congr. delatis, infrascripta dubia coram emin. et reverend. D. cardinali Marefusco ponente concordata, proposita fuerunt, nempe:

1. An, et in quibus festivitatibus, ac ecclesiasticis functionibus assumi debeant nobiliora sacra celebrantium indumenta, et altaris respective pretiosiora ornamenta, in casu, etc.

2. An, et qui numerus candelarum apponendus sit in altari, et quæ respective candelæ accendi debeant, dum divina Officia, et Missæ solennes celebrantur, tam in festivitatibus primæ, et secundæ classis, quam in diebus Dominicis, et aliis festis in casu, etc.

3. An in festivitatibus primæ classis assumere liceat quatuor pluvialia, et respective in festivitatibus secundæ classis duo, dum Officia divina solemniter celebrantur in casu, etc.

4. An liceat archidiacono, præposito, sacristæ, et præcentori solemniter celebrantibus, majora assumere pluvialia, quam in solemnitatibus celebrari solitis a canonicis, in casu, etc.

5. An distributio cinerum, palmarum, et candelarum peragenda sit a reverend. episcopo juxta prærogativam, et antiquitatem capitularium, seu potius in dicto actu distributionis præferendi sint duo illi canonici, qui assistunt in cappa eidem reverend. episcopo, in casu, etc.

6. An liceat canonicis celebrare solemniter divina Officia in festivitatibus secundæ classis, in casu, etc.

Et sacr. congreg. utraque parte scripto, et voce informante audita, visisque juribus hinc inde deductis, ad relationem ejusdem eminent. pontentis rescribendum censuit: Ad 1, indumenta sacra nobiliora celebrantium, et altaris pretiosiora ornamenta esse assumenda in festivitatibus primæ classis, et functionibus solemnioribus ad formam cæremonialis, exclusis tamen a solemnioribus diebus expositione Sanctissimi occasione orationis quadraginta Horarum, et Octava Sanctissimi Corporis Christi: ad 2, respondendum juxta votum episcopi; ad 3, licere, observata proportionem in festis secundæ classis

ad formam Cæremonialis, et quoad executionem, arbitrio et prudentiæ episcopi, attentis peculiaribus circumstantiis; ad 4, provisum in tertio; ad 5, affirmative ad primam partem, negative ad secundam; ad 6, servetur distributio festorum juxta statuta Ecclesiæ. In reliquis, provisum in tertio et quarto. Et ita eminent. Patres unanimi suffragio censuerunt, declararunt, et servari mandarunt, die 12 Julii 1777.

Civitatis Castellanae Præminentiarum.

1675. Relata in sacra Rituum congr. per eminent. et reverendiss. D. cardinalem Corsini, episcopum Sabinensem ponentem, causa civitatis Castellanae Præminentiarum inter Joannem Antonium Rosetti, archipresbyterum ecclesiæ S. Andreae terræ Valle-rani diocesis civitatis Castellanae ex una, et Victorem Parchiaroni, parochum ecclesiæ S. Victoris, ac sacerdotem Hieronymum Janni, sacristam ecclesiæ B. M. V. de Ruscello ejusdem terræ ex altera, partibus, infrascripta dubia inter easdem partes concordata, idem emin. ponens decidenda proposuit, nempe:

1. An, et de qua matricitate constet ven. ecclesiæ sub titulo S. Andreae Vallerani.

2. An illius parochi, sive archipresbytero jus competat faciendi processiones, tam de præcepto, quam votivas, in honorem sanctorum, quorum celebratur festum in dicta terra Vallerani.

3. An consimiliter eidem parochi S. Andreae competat jus præminentiarum in omnibus functionibus tam publicis quam privatis super clerum et sacerdotes dictæ terræ.

4. An liceat eidem ingredi alteram ecclesiam parochialem S. Victoris, et alias quascunque sitas extra districtum suæ parocciæ cum stola et cruce elevata.

5. An pariter eidem parochi liceat tam in associatione cadaverum, quam etiam in aliis functionibus ingredi cum stola et cruce elevata ven. ecclesiæ B. M. V. de Ruscello, ejusdem terræ.

6. An dicto parochi S. Andreae et clero sint assignanda alia signa præminentialia, et signanter receptio cum honore facienda a presbyteris ejusdem ecclesiæ B. Virginis de Ruscello inservientibus, primi acubitus in choro, celebrationis divinarum officiorum, ac etiam Missæ canendæ pro defunctis occasione asportationis cadaverum.

7. An constet de attentatis, et quomodo sint purganda.

Et sacra eadem congregatio, utraque parte scripto, et voce informante audita, visisque juribus hinc inde deductis, ad relationem ejusdem eminent. pontentis rescribendum censuit: Ad 1, constare de matricitate impropria tantum, et amplius; ad 2, quoad processiones generales, et alias, in quibus convenit totus clerus, affirmative juxta solitum; quoad processionem Corporis Christi, servetur transactio: in reliquis processionibus particularibus ecclesiæ S. Victoris, negative, et amplius; ad 3, affirmative in illis functionibus in quibus intervenit totus clerus, et amplius; ad 4, affirmative in processionibus et functionibus publicis duci et celebrari solitis cum interventu totius cleri; in reliquis negative, et amplius; ad 5, provisum in antecedenti, et amplius; ad 6, quoad receptionem in processionibus publicis, de quibus supra, servetur Cæremoniale; in reliquis negative, et amplius; ad 7, affirmative per viam nullitatis. Et ita declaravit, ac servari mandavit. Die 27 Jan. 1778.

Bononien.

1676-1677. Exortis controversiis super præcedentia in processione SS. Corporis Christi, quæ fieri solet in civitate Bononiæ infra Octavam ejusdem inter clerum sæcularem dictæ civitatis ex una, et monachos Cassinenses S. Proculi prædictæ civitatis ex altera, partibus, illisque ad sacram Rituum congr. delatis, eminent. et reverend. dom. card. Archintus ponens

infrascriptum dubium decidendum proposuit, nempe: An et cui competat præcedentia, in casu, etc. Et sacra eadem congregatio, habita prius eminent. et reverend. dom. card. archiepiscopi informatione, auditoque procuratore cleri sæcularis, ejusque juribus scripto, et voce tantum visis, cum pars non comparuerit, ad relationem prælati eminent. pontentis rescribendum censuit: Præcedentiam competere clero sæculari. Et ita declaravit, ac servari mandavit. Die 23 Maii 1778.

Asculana.

1678. Exortis inter parochos sæculares civitatis Asculi ex una, et monasterium seu P. vicarium S. Angeli Magni congregationis Olivetanæ dictæ civitatis ex altera, partibus, controversiis super delatione capituli in functionibus ecclesiasticis peragentibus, illisque ad sacram Rituum congr. delatis, infrascriptum dubium coram eminent. ac reverend. dom. cardin. Marefusco ponente concordatum, decidendum propositum fuit: An liceat parochi ven. monasterii S. Angeli Magni congregationis Olivetanæ Asculi deferre in sua parocciæ, et in aliis functionibus super amictu vulgo colla signum nuncupatum cappuccio, in casu, etc. Et sacra eadem congregatio, utraque parte scripto, et voce informante prius audita, visisque juribus hinc inde deductis, ad relationem eminent. pontentis respondendum censuit: Negative, et amplius. Et ita declaravit, ac servari mandavit. Die 12 Septembris 1778.

Nucerina Paganorum.

1679. Cum in ecclesia collegiata S. Joannis Baptistæ terræ Angriæ diocesis Nucerina Paganorum inducta fuerit consuetudo, qua prima die lunæ cujusque mensis in suffragium defunctorum confratrum et sororum congregationis sub titulo S. Cajetani erectæ celebratur funerale, cui additur expositio Sanctissimi Sacramenti, coram quo ante supplicandum altaris erigitur tumulus mortuorum accensis luminibus circumdatus. Durante interim dicta Augustissimi Sacramenti expositione a ponicis in choro officium defunctorum cantatur, pulsantur campanæ ad mœstitiam excitandam, absolutis inde Laudibus in choro, statim in prædicta capella, exposito pariter Sanctissimo Sacramento, canitur Missa propria illius diei in paramentis albis, eaque absoluta, celebrans dat populo solemnem Sanctissimi Sacramenti benedictionem, Joannes Adinolfi memoratæ ecclesiæ canonicus sacræ Rituum congr. humillime supplicavit, ut dignaretur resolvere: An talis consuetudo sustineri deberet. Et sacra eadem congregatio, audito prius voto unius ex apostolicarum ceremoniarum magistris, scriptis exarato et typis vulgato, ad relationem eminent. et reverend. dom. card. Boschi pontentis rescribendum censuit: Assertam consuetudinem, tanquam rubricis et Ecclesiæ ritibus contrariam, sustineri non debere, mandavitque, ut episcopus eandem omnino aboleri curet. Et ita declaravit. Die 27 Martii 1779.

Ordinis Minor. Observ. Reform. S. Francisci.

1680. Cum P. Bonifacio a Brixia ordinis Minorum Observantium Reformatum S. Francisci, editori Kalendarii dicti sui universi ordinis, nonnulla occurrerint dubia in Kalendarii constructione, sacræ Rituum congr. humillime supplicavit, quatenus ea benigne resolvere dignaretur. Dubia sunt sequentia, nempe:

1. An in Officio Defunctorum, quod ex consuetudine recitatur in quolibet conventu alicujus provincie ritu duplici post habitam notitiam de obitu alicujus religiosi ejusdem provincie, dicendi sint Psalmi Lauda, etc., ad Vesperas, et De profundis ad Laudes.

2. An Missa de Requiem, quæ cantatur, cum primum accipitur nuntium de obitu religiosi in loco dissito, differri possit ad triduum.